



養素堂文集卷十四

書二

與楊蓉裳刺史書

奉違光儀載歷寒暑山川白雲江湖蒼波每一延想紆軫  
曷極去歲春杪遙知江東魁儒敷教爾輔融襟舉比蛾術  
斯興冉贊拂毛驛突入御薛燭鼓橐盤郢能飛多士鴉然  
胥受模範彥真湛靜予覽純和前喆懿規於今再覩掖耳  
僚風距踊三百每思躡屩孫崧采獲珠玉執贄茂叔領畧  
風月而吐迎苦饑舌耕給日藩維有限負笈無由乃心馳

養素堂文集

卷十四

一

叩良不可任歲月荏苒未狃燕函誠以村畱雙廩畏圖魯  
般駭神堪當避畫平子請益之懷遂爾鬱結頃者於友人  
寓所得誦閣下倉一山舍人書品藻時流猥及薄禾么膺  
箸述比之裴爾頓令鄭璞齊價周寶蓬心回蕩感與慚并  
自惟區霧無識吹吹性成日稷不夏卒鮮刈穫兼以四方  
舟車風塵損慧雖祝瑄朗無益眠涎漢代經法未涉其藩  
宋儒理譚靡博其趣短衷難舞麟悞何如固宜暗螢自照  
藜草獨馨而猶彊倉月畢過錄成回胡顏之厚取姍詩人  
卽或抽豪染翰有似橐它子駿醬瓿士衡酒甕不足覆也  
敬惟閣下明握衍濟精探輸寥三庚決疑五酉識怪岳瀆



介侯

鐘律長柳靈蘭靡不條貫在心指數於仇至於陵雲健筆  
鏤月雕章突鶴摧荀排龍掩陸所謂五樓巨手九乳洪鐘  
也以篙測江膠無波際而瓦石之化乃荷提獎意者桓胤  
紈扇亦錄芋字謝眺齒頰不忘孔圍乎金鑄子期殆未可  
喻某實禱味業無師承嘗嘆北學衰微匪朝伊夕士彥易  
解塗惲書說尹毅論語賈徽春秋概已邈絕罔能延緒卽  
班傳文辭李蘇詩筆亦復希晉不續千載影徂竊不自量  
妄思吹燼而擘心經術苦其紛糅按轡文府終謝連犴烏  
獲絕臙良以自悼尚希雨沙餘暑大誨遙頒俾暗吻幽芻  
得耀光明夫貸季之門不拘病夫夔后之側不棄櫟木蒙  
養素堂文集 卷十四

二

雖罕漫頗戒隼詎儻得聞公沙妙論植敷猗議則魑匪之  
卦不占熒惑漆園之書不譏視罔某之願也何幸如之  
坳楊蓉裳來書

介侯先生閣下睽濶光儀十易寒暑道里隔閩人事遑  
蹇未奉書問自知疏節而仰高瞻驥歷季滋多拳拳寸  
忱肯在心抱迺荷閣下貽之良翰惠以德音椒桂之氣  
合於嶽豈魚鮑之感動以風雨攄纏緜之雅思暢經通  
之遠旨蘭杜芬馥琳琅清越長卿惡其文藻子雲慚其  
筆札百遍循諷三陌距躍惟是獎飾踰分推挹過情流  
汗駢顏失容墜席散惟閣下雅性都長天才朗邁玉瓊

琛猛黃鐘灑光品登明堂書校中秘司囚向之籍辨章  
舊聞摛卿雲之辭潤色朝典發徐防之五十難試李充  
之九千言長才曠度無所不淹西州聞人九牧稱嚙迺  
未得久居承明迴翔禁省一命佗吏遠踰丹徼羅施俗  
異狎邪路阻削牘移病投紱乞歸不慕朱文之軫甘守  
綠膾之帙含章鼂采收零稚節潛志墳籍殫心經訓默  
而好深湛之思舒而爲彬蔚之作抉精剔粵摘伏發隱  
近復講菽龍門談經鱣舍學宗鄭賈文羞曹陸槩模規  
筴羣士步趨神墨靈式萬流慕習凡夫常擬星氣耿昌  
月行蠹門射法宜僚劍道劉昆清角趙定雅琴莫不元

養素堂文集

卷十四

三

鑑在曾霽珠入握芳燦初來爾輔得讀黔書一斑驗豹  
半毛測鳳其紀載詳贍揆揚奧廣河圖括地輜軒絕代  
長沙風土之碑建康人物之志雖裴秀精審爾駟通博  
以今方古殆有過之大雅謙沖恕其謗論辨雌霓之連  
蜺忘蕪菁之唐突許以真賞托爲良知文字心交千里  
如圓子休之於惠施君山之於班嗣無以喻也芳燦甌  
管小材蟲篆末菝文繡擊悅刻雕冰脂賈山僅事涉獵  
江淹不嫻箸篡辭賤百六家頗嘗畱意經術上下古夙  
未究心掇拾三言網羅瓌說風蟲露鶴助其呻唵病葉  
狂萼同其迷悶商嘗啾發投曲雕籤屬辭大類辯人黃

馬之談從貽下士蒼蠅之笑茲者時邁齒戢英莠凋落  
亦思窺六菽之旨成一家之言而老覺氣衰疾令志沮  
萱蘇未樹鉛槧易疏慚公叔之精專遜伯業之篤嗜日  
莫途遠心參力贖如嚇河之懼夫類移山之愚妄誠恐  
典籍腐敝學業沈賈諉聞不遠沒世無稱耳兼之寄食  
殊方端憂卒歲八士鄉而友教借經舍以棲遲從抱貞  
孤甘同淪廢雖謝淪未嘗拒客而王微不好詣人坐此  
濶疏遂相詬病鼪鼯穴逕藜蒿塞門嗟身世之飄泊惜  
朋儕之閒隔目感氣草耳悲皆禽倡古寡和呼今莫應  
宜乎述造之無成見聞之益陋也閣下亟念敝人曲加  
存問所望遠頒鉅製時示周行發其疹憤啓其聾聵俾  
鈍聞條達庸神曉冷則祇摩鉛鈍或竝價于襦阿鞭策  
驚疴得齊蹤于驥驚君之惠也何幸如之邇惟攝衛惟  
宜道履多豫端函佈復言不宣心

復楊蓉裳刺史書

前奉德音如親渠範存注策厲以感以慚紙敝墨渝未忍  
離手邇惟福履迪康攝衛多豫寸日尺月縈裒良深竊某  
雅故未函道紉靡服識猶昏棗氣不達蔥操觚染翰未能  
鶯然鶯翔文囿彌見哆嗚而隱侯唱歡欣逢遲莫子山品  
題謂異吠鳴齒芬假借葉拱靡寧每誦鴻章如啐玉饋舍

鬯襟靈導揚姿伏音流簡外豔溢行閒敷珍搖囊蓋非帥  
爾在昔孟堅鬻龍虎辨不逮理平子鏗律呂意不及文前  
修篡製不免疵瑕近代作者繫豈無人然講學之士楮謝  
丹青雕蟲之徒篋盈香草采不極貌力未負聲何異裸壤  
之褫繡縠雙廩之御鉛雫乎大佗陵前邈後有老成風顧  
協策論中興未有延平體裁江東獨步某所以讀之恐其  
卷盡展之喜其疾愈也茲鈔近箸呈諸臯比猶之滄海漂  
芥鄧林枯枝不足畱眸固已明白尚冀獲人無恡鬻枯世  
南婉縟經孝穆而典裁持正冗疏遇昌黎而簡奧某雖才  
遜昔賢而心期往軌孟晉之懷諒蒙藻鑑竝望新文頌示  
養素堂文集 卷十四 五

以爲范甌辭摹孝緒解把筆於牋奏論竊仲任試鼓曆於  
語言其爲荷戴嵩寧自輕藉此布肌上塵講座敬佇清誨  
曷勝馳系

坵楊蓉裳復書

前奉翰札如獲百朋璘玢在握雕績滿目辱荷搗謙曲  
加獎飾溟澥浩淼猶納汎濫恒岱嶻嶭不卑部婁欽感  
之餘慙慙無地敬惟閣下素瓠習禮青藜照書雫攀七  
英藻速十札潛神默記導引後進浮英湛德追蹤前哲  
宅心醞粹樹義淵奧瞻望英塵不勝欽佇承示大箸實  
爲巨觀幽思詰屈琦字琛麗金鏗球戛鞞鞞動心麟儀

鳳師騰翥爲瑞身佩靈符指撝怪偉手脫神珠激揚霆  
電譬猶異錦百鎰誦采虬費奇華四照瓌輝燿煜瑋宮  
玕殿妙臻異境琅膏雲液迴殊凡味和璧獻而瓊玖淪  
采陽文進而娥媼失豔固匡舍咀班揚陵轍徐庾不圖  
衰莫覩此奇特彥昇則當時無輩持正則後代難繼捧  
誦流沫何啻絕編珍貺秘藏謹用貯枕欽愛靡已贊嘆  
欲絕拙箸猥承見索茲特呈覽雉誇錦羽殊異鷓鸕狸  
炫文皮寧儕龍豹緬維往歲翔步藝林雖復枕肱圖史  
鑽罕典策同傅毅之迪志等趙昱之下帷而早縛塵纒  
糾紛眾務中躡宦途流離孤寄文多率佻詩皆漫與慙  
養素堂文集 卷十四  
六

子長之愛奇惋次山之嗜瑣卽今顛毛節汨壯懷積散  
枯桐氣索鍊不成雲衰竹心空吹難應律偶復命筆夏  
難言文祇以摯愛遂敢布露蚋竅蠅聲彌增赧汗伏惟  
大雅進而教之不勝厚幸講院生徒比因秋蘭試畢盡  
皆倚席不復橫經叢竹檀欒古槐蕭颯涼風乍起秋意  
薄人緬懷風範更增戀繆覩縷奉復散俟福履馳企之  
抱難以言宣

與陸平泉前輩學使書

啓者某於乙丑之歲魁選入都扶服崇階獲覲光霽備荷  
清訓肺札載銘旋以汎游南紀違隔仁暉波路壯瀾旅客

貧辛林邑微翬終戀舊壑卻返箇里于茲四季矣罕漫寡  
學猥竊臬比月畢來咨撤座是虞夏雨春風從聞其語兼  
以地處邊荒久迷通津經尋狗曲文發蟻疥鳳鳳逆序氣  
不達蔥時雖提命效無僂呼倪諸亂鬢殆難爬梳而某以  
牢愁墮志枝葉暴樂暖妹養拙仰屋紫然靦對青衿有顏  
其顛卽不甘撫塵安思炳燭而五內羸坪莫知程路乃欲  
證曩古今發房事理心盲神忘詎不難與是以伏書累息  
嗆焉若喪冀遇瑤旎以廡宿疾庶幾眠甦少有開寤敬惟  
老前輩閣下鳳穴振儀龍門標峻學富麟臺文轡虎采庶  
士傾風靡不鳴悅恭承

養素堂文集

卷十四

七

簡命宣化關輔神墨靈式橫舍稟戴佇見麻朝過皁白蟻  
籟雲區冶吹爐青萍吐氣遙憶山斗豔思企仰竊念爰劉  
以降李唐而還關隴學術厥有端倪杜陵田生易紹駢臂  
而楊政董遇能廣其傳長安許商書受平當而皇甫梁桺  
復縣其緒詩則韋賢馬融而細君班伯善治齊魯禮則賈  
護段肅而田儻尹毅專精喪服以及張敞孔嘉之春秋周  
生梁覲之論語楊泂槃佑之孝經杜林樊光之小學莫不  
師承有法嘉惠菽林今也士耽集詬無意典常焚書而舞  
有似王壽上章以驅實類桺津經籍道息良用嘔噀何意  
戴匡文星照耀三秦睇澤高鈎茂材掖耳秋駕遠指胄子



搆衣方將蘭經苑啓史笥引之以道糾浴之以聖海俾心  
開似劑手授彌新鴻敷之明粲粲如宿茂典之貫落落如  
珠豈直披錦繪素擲玉鏗金陵顏顛謝舍任吐沈而已某  
少愛螢光長昧雜語謬改白及錯注倉庚有秩還疑撐犁  
不識處穴無見隱几而睽殖也將落木亦未雕所謂學府  
之視因文宰之爛柯矣伏望矜念漱衷錫之響誨或者區  
霧眯目得見白日廢井枯曾復濬通波溝澮之中發霄朗  
之琦鷄時之地飛鶯然之章不翅訶條之慰憇飢宜楸之  
清迷夢也頌儀在遠馳系爲勞爰忘疏狂輒塵蕪牘上冀  
答鑒無任卑陬

養素堂文集

卷十四

八

答楊慶菴明府書

書來問誌公墓處所又言臬蘭誌載誌公洞或其墓在甘  
肅予按神僧傳燈錄皆云誌公金城人本姓朱而梁書  
云寶誌不知何許人於宋泰始中見之出入鍾山往來都  
邑於天監四季卒先是琅邪王筠至莊嚴寺寶誌遇之與  
交言驩飲至亾敕令筠爲碑是誌公栖託在金陵矣而洛  
陽伽藍記云胡太后問以世事實公曰把粟與雞喚朱朱  
時人莫解後后爲爾朱所害是誌公足跡亦曾到洛陽也  
又按神僧傳云誌公與白鶴道人爭州之灣山飛錫卓山  
麓是安慶又有誌公游蹤也彼劍門西巖之半有誌公和

尚影路人過者皆西向擎拳頂礼若親面其如來玉堂閒  
話固辯其畱影于此矣若其墓之所在則江淮異人錄言  
之曰周廣順初江南伏龜山圯得石函長二尺廣八寸中  
有鐵銘云惟天監十四季秋八月葬寶公於是銘有引曰  
寶公嘗爲偈大字書於版帛冪之欲讀者必施數錢乃得  
讀訖卽瘞之是時名士陸倕王筠姚察而下莫知其旨或  
問之云在五百季後至卒乃歸其銘同葬焉蓋墓在淮水  
之伏龜山灼灼無疑誌公雖金城人而涅槃在江寧臯蘭  
不得有闕雜塋也然梁書記天監四季卒而吳淑乃云十  
四季秋葬釋氏速化不容稽久十字當係衍字耳董毅碧  
養素堂文集

卷十四

九

里雜存云今之孝陵卽誌公之瘞所傍有八功德水泉脈  
甘美劉誠意奏改葬之乃見二大岳對合啓之端坐於內  
髮被體指繞腰矣瘞旣遷而水亦隨往太祖異焉敕建靈  
谷寺此尤足徵誌公墓之在金陵也余聞雞鳴塋中有像  
往時南游惜未得一瞻緬云

答朱小梧明府書

竊觀始皇博士之對中壘列女之傳劉表臨湘之碣康成  
禮篇之說叔師楚辭之注君章湘中之記茂先博物之志  
予晏衡山之文皆以湘靈目爲姚配而河圖玉版演其事  
荊州圖經誌其游廣川書跋辯其稱似孫緯畧談其死亦

殊未覈往跡從恣誕言夫二妃不從檀弓載錄然夫君埋骨於九疑厥妃舛鬻於三湘亦事之常無足致詰如塗山女橋未至嵩山而登封太祠有城簡狄實居不周而陝號名墟則岳州之廟貌二妃自因舜之栖神於此而配享之豈必胥溺江波乃祀湘渚乎若乃出入風雨往來沅澧自屬江婁二女詎爲虞帝二妃河東郭氏謂湘川不及四瀆無秩於命祀而娥英帝后無緣下降小水爲夫人又以二女靈逢鑿通無方尚以鳥工龍裳救井廩之難豈不能自免於風波有雙淪之患抒論通亮臣矯曩失矣余亦謂山經言帝原自分析如爲帝司服爲帝司夜帝之下都帝藥

養素堂文集

卷十四

十

八齋皆指彼蒼而黃帝孺帝帝鴻帝嚳帝堯帝舜帝俊必配以名諡無取空諦也况女娃溺海怛化精衛伯益卽曰炎帝少女儻洞庭之山實居虞嬪何必徑省其辭乎彼善長注水經士秀答孟婆咸承王逸九歌之解莫悟其非而長源路史遐周廣志又以舜之弱息當之稽中山之經言二女者在九江詳海內之篇說二女者處河澤地輿截然安得混同且海內經明云舜妻癸比氏生宵明燭光是瀟湘帝子非少匱血屬顯白矣故景純於游戲淵府者贊曰神之二女於神光靈照者贊曰維舜二女馬牛其風無須合一乃顧起元坻會羅泌言大澤者洞庭之謂而光照者

威靈之所暨迄今湘神所保靈正百里既忘經文處河二字又失考淮南子所照方千里之說殊爲崙固難言博通嘗讀江淹清思詩云帝女在河洲睇映西海側又效阮籍體詩云宵明燭西極女圭映東海豈指今之沅澧乎予故以游湘者爲天帝之女處河者爲帝舜之女即本經文不費臆猜可知靈均所賤美要眇降北渚者即非媯汭之匹儀亦非癸比之嗣淑帝子之稱等於天孫之名正不得以青草湖有母氏之墓遂謂蓀菰水爲二女之宅也臣下謂舜女不得言妃猶沈存中疑二妃不得稱女按女媯爲皇豈無夫子姜女胥宇自有相攸何爲作不婦之呼蓋妃嬪養素堂文集卷十四十一

與陳扈亭明府書

承示鎮原縣志讀之詳畧得宜具有鑒裁臣見賢侯之以經術飾治也佩服佩服但其中錯悞不乏自宜棄正以成完書如藝文志序云陳農求遺書於天下高宗賞獻書於民間按謁者陳農求書係孝成帝時而惠帝四季三月除挾書之律此云高宗漢時無高宗也宜作宣帝又請旌獎節婦書云卷耳之章曰嗟我懷人寘彼周行說者以爲夫有惡疾而不去也按豐坊偽詩傳周人遣使求賢而閔行

役之馨勞之以卷耳偽詩說亦同卽荀子說卷耳亦與左氏合而韓詩云芣苢傷夫惡疾也劉氏列女傳以芣苢爲蔡人之妻之詩向蓋宗魯詩者故與韓詩同說此以卷耳詩當之誤矣又云式微之詩見擯於夫而執義不去故其詩曰微君之故胡爲乎泥中按偽詩傳詩說與毛詩同列女傳謂黎蒞夫人與其傳母同作之詩小序則謂黎蒞寓於衛其臣勸以歸亦無見擯於夫之說當是谷風之章而誤仞之又云大車之詩息夫人相約息君同死故其詩曰無思百憂不出於耿按偽詩傳周人行役而訊其室家賤大車又大夫缺二字周人諫之賤無將大車僞詩說大車周

養素堂文集

卷十四

三

人從匍寓其室家之詩也無將大車周大夫有寵信小人者其臣諫之而佗是詩卽毛詩亦無息夫人相約之說惟列女傳有之然相約同死所佗詩係穀則異室死則同穴何得引小雅之無思百憂耶此亦係記憶之誤又云中壘上烈女之傳蔚宗佗女史之箴按劉向列女傳不佗烈載趙王遷之母倡也范蔚宗後漢書列女傳亦不過列女之傳云爾非言節烈也以蔡琰之失節猶載之故序云取其才行高秀非止一節而已至女史箴乃張茂先所佗載之文選茲云蔚宗佗誤甚凡此皆顯著經史不容差互以來彈射其地謬鑿正多均宜讎改也又令弟西北田事論云

史遷導漳於節封馬援引流於兆濱按諸子史遷均言史起治漳西門豹亦治漳遷字誤節封字當改爲鄴渠而馬援傳十一季拜隴西太守詔令遷金城客民歸者三千餘口使反舊邑奏爲置長吏繕城郭援起塢候開導水田水經注云昔馬援爲狄道開渠引水種稻秔而郡中樂業是伏波之引流自在今金城狄道臨洮一帶兆濱二字誤戾作洮河近之

答吳雲峯廣文書

力來得手書知己抵任其地黃河如帶白草似駿赫連城荒元昊宮圯足下講菑之餘飲濁酒鼓雅琴登骨律之鎮

養素堂文集

卷十四

三

詠什賁之詩致臣樂也健羨奚如承商陸學使以黃河序課士卽柯九思所纂否某按柯九思所纂乃河源志序非黃河序也元潘昂霄字景梁山東歷城人官翰林侍讀學士諡文僖世祖至元十七季從都實之弟瀾瀾出得其西澗河源至星宿海事纂爲河源志臨川朱思本又從八里吉思得帝師所藏梵字圖書而以粵文譯之與昂霄所志互有詳畧元史取二家之書考定其說有不同者附注於下陶九成輟耕錄中載潘書柯九思序之末結銜云元統元年冬十有一月日南至奎章閣學士院鑒書博士文林郎柯九思序今河州志乃云黃河序又以柯爲學士均誤

平泉學使實沿其謬而未之考也謹白

與楊秀三明府書

登艫之前夕乘月造訪未獲握手瀝肝爲之於邑詰旦即解纜一日出江口波瀾壯濶一葉輕舟飄若鳧雁抵嘉定沫水南來勁漂溯盪崖迎船祗差扶咫榜人屬鼻乃出漩淵不啻李冰之戰牛趙昱之禽蛟也至今思之以訢以懋憶在省日與匡下同訪某兄言及全紹衣集名鮚埼弟記是地名在溧書地理志某兄云謝山夢掘碑碑有此二字遂以名集爾時亦未僂質實也今檢查溧志會稽郡鄞有鮚埼亭顏師古曰鮚音結蚌也長一寸廣二分有一小養素堂文集卷十四

古

鮚在其腹中埼曲岸也其中多鮚故以名亭埼音鉅依反全氏係鄞人以鄉邦故實名集不知何以有夢碑之說如果爾是謝山亦忘鮚埼之出溧書矣希匡下于謝山集中查之必無是說又任昉述異記云璩琚似小蚌有一小鮚在腹中琚出爲鮚求食故淮海之人呼爲鮚奴卽此鮚也又桂萱錄云海上有鮚大如錢腹下又有小鮚名曰鮚奴所說微異自是後人景嚮之談不足依據也某謹白

答顧舍象書

會昌建福之地江溧炳靈元鼎神膏之季卿雲兼麗繡補龍骨響振錦官甘露洞簫聲高筍里自茲厥後代產蘭人

吾子學僕區才蜚澤特旣匪中壘千卷復業鄴侯九章  
金心在中銅綬服其李法銀手如斲戶交佩乃蘭言亦能  
導逢性情數陳物象尋白鳳才人之宅翰染予亭游碧雞  
主簿之祠豪舍赤斧是真抱常景之科律摛阮瑀之辭章  
者已僕也曾無五緯績甚十奇以吏爲師因貧而仕晞稚  
子之政節遜羔羊覽幼官之圖才慚乘馬重以鴻網損慧  
塵鞅勞神風雷雖入我壯懷山川未足助雅興噎成二鳥  
未雜仙心書著總輿終嫌習氣每思煙霞戢影林壑頤情  
挂宏景之冠解孫楚之組勤追曩失補益寡問條茂闕前  
續周變之卦象靈淵池上簞康成之遺經庶幾證聖釋疑

養素堂文集

卷十四

五

可追子雍名世韜光蘊璞不令摯恂笑人而猶躑躅塵網  
浮湛名場爲時所憎應蒙容之牛馬以儒爲戲舞曼延之  
魚龍未嘗不投書仰天拔劍所地矣偶憶翔步蓬萊圖窺  
芝卉壯游江海曲聽藻廉尋斲碣於秦斯琅邪臺古訪九  
頭於楚國祝融墓荒廣壑登高呼劉季爲豎子國僑爲友  
眎仲連如鄙夫又未嘗不嘆此日之鬱沈羨當時之豪邁  
也吾子眷乃陳人貽之繩語忘叔夜之殯唐取鑿齒之宏  
放愛伯恭之亢直矜仲卿之廉倨詎非琴牙賞音虞翻知  
已乎然吾子賈生季少陸子才多桐魚音清鸞箋字好宜  
簪陵雲之麗賤何抱乾腴之鬱憂毋乃申旦之歡莫滋款



款於袁謝承夜之契未傾陶陶於尹班乎嗟乎禮樂其民  
既辜宿志陶冶斯世又負先心白虎雖除於邛籠黃龍敢  
信於清酒禽堅至孝因牒訴而未旌先絡孤貞以敲撲而  
莫錄文翁仁愛空懷金馬之刀菴侯威嚴難窺木牛之制  
雖屬吏治之駁實亦經術之疏吾子好學深思聰明特達  
文乃無害卓爾不羣凡雞盟烏集之所語言與筇鞞桐帽  
之所游歷儻有淵騫五百指歸三千足以證曩古今發房  
事理者不然如子敕文漢郡守嘉歎茂安雄談廣座致止  
堪爲師友祭酒儒林丈人者僕才非箸述性好編纂挂笏  
之餘思補王隱蜀記判蓂之暇欲注陽城樂書早知健爲  
養素堂文集

卷十四

六

舍人曾函雅故復欽文園俗吏亦號經師無如弊習吠聲  
妄夫逐臭君平最通易人爭誇賣卜之錢譙周實駕臣世  
從誦典午之讖非子具眼我豈宣情如我傾心子當瀉意  
整衿以埃傖風可期冬節與寒起居多豫竝問不宣

與文遠舉侍郎師論搏擯鑛字書

周礼考工記搏埴之工鄭註搏之爲言拍也案與淮南子  
搏撓同又司徙其民專以長音團圜也與拍解不同齊語  
搏本造末宜音端卽古端字集韻音轉非太乎經月爾其  
搏各本皆從才宋微注一作搏專音團亦與團同義不得  
與搏埴字相假也陸德明子考工記之搏音博乃與搏拊

之搏相同而又兼收團字一音是搏埴宜從才不宜從土也詩中用搏埴從土者自當乙出若埴音捕衛之石埴是也從土從專不從專集韻音補亦安按廣韻居往切集韻俱往切亦作居枉切廣韻於養韻收獮字引獮平縣即今之廣平縣也可知獮有廣音矣今所行平水劉淵之韻亦收獮字於養韻乃獮字之本音而居猛切俱承切古勇切乃是轉音字典之失在引居往切于後引古猛切于前耳獮古文作𠄎周礼𠄎人蓋借𠄎爲獮字說文獮或作𠄎此依周礼讀故業字從𠄎篆書作業字從𠄎首也作𠄎者譌古文亦作𠄎齊風總角𠄎兮古患切音憤在去聲諫韻養素堂文集卷十四

七

可知𠄎字從𠄎係形聲字讀爲拱者亦轉音也

答吳石臣明府書

頃于沈筠垞處得足下手書言諸葛本傳內劉琮降曹刻作劉琦此梓人之誤不足爲書病較之劉幽州之首歸之王莽者大相逕庭也况乖謹內明云曹操南征劉表表卒子琮降曹何得有象舜互易之疑耶至所云劉字必當從說文作𠄎直是株守說文竝不知說文之儻錯疏扁者徐錯曰說文無劉字偏旁有之疑鏹卽劉字也从金从𠄎刀字屈曲傳寫誤作田爾劉本从𠄎𠄎古文酉字他脾皆變从𠄎復省爲𠄎王莽傳云劉氏受命之日丁𠄎也丁火



氏儀之姓與足下畱心說文亦須涉獵鼎臣楚金諸人之書庶爲浚長功臣可免一孔之誚弟所刻實有疵數處若能看出寄示則具眼矣

與洪芟塘刺史論震字書

昨晤言云震是雙字弟以爲卽隻字據孫恂廣韻丁度集韻而言之也然廣韻音隻者係之石切又有胡郭黃郭二切者竝音獲與篇海之震同而字彙補以爲與雙同考漢人隻字借作雙未聞以震通雙也吳仲山碑云節度無隻說文字原云雙從省文又史記龜策列傳云王獨不聞玉犢隻雉乎徐廣曰隻一作雙是古人以隻作雙之明徵也

養素堂文集

卷十四

九

若震則震震大雨也張有復古編妄以爲雙字殊失其義吳任臣不察沿習謬說實不可從足下以爲然否

上那繹堂制軍師書

十一月之初五日澍解館叩辭鈴閣旋家省覲出臬蘭西門行一日見塗陌多有窮民攜老扶幼而西去者至蒞浪道中則益多時值大雪朔風淒緊車中人擁裘坐肌尚起粟見有以雙籠盛男女擔之者又有以肩荷兒女痺瘵者又有老翁媪蹙蹙于沙泥陌者又有小婦女纖足不能行拄杖依枯樹憩陌有舉止安雅如士夫家容狀者而鵠形鳩面敝衣藍縷類乞匄者甚多或掃落葉枯枝支釜石上

佗炊或探囊取乾糲持斧鑿氷和咽之亦或枕襪被酣睡  
又或歎息嚔咽如不自勝無慮數十百也澍下車問之爾  
等係何縣人將往何所何爲艱苦至此則羣焉塗涕曰吾  
等皆爲賑所累無以爲生棄其田土房屋往甘涼諸處乞  
食以保餘生也言之淚漉漉下澍又問曰賑所以救饑何  
反受累一老者攘袂言曰今季之賑大與往時不同曩來  
地方有災本縣官查明戶口報之省卽領銀依邨莊遠近  
散之民藉以餬口然尚有餓死者今總督以州縣官之報  
爲浮冒不足信則遣佐貳覆查之又不信則遣候補州縣  
覆查之又不信則遣府道覆查之吾儕屢奉差喚赴城守  
養素堂文集

卷十四

三

候訊問飲食之費或數百或千餘又數次出票錢或一二  
千文不等意謂領賑多可以補償及至散銀則大口給錢  
百小口五十于往返之用且不足又烏能資生耶澍乃歎  
曰甚矣賑之累爾等乃至此極也迨抵涼城滿衢皆餓莩  
街市廡宇不能容復有衝寒赴肅州安西州者澍竊念吾  
夫子胞與爲懷以民之被旱又被雹也急請

帑金百萬兩且脩城垣以工代賑是其爲民謀者良厚矣  
而民竟受累如此必承辦有司不能仰副德意因循稽延  
以致老弱填死溝壑壯者散而之四方也古人有言曰拯  
饑戒遲緩戒拘文戒遣使又云救災如救水火緩則無濟

又云救饑寧有冗濫毋或遺漏旨哉是言可謂知治體矣  
澍目擊流離之狀恨家無擔石徒傷悼而已兼以侍教多  
乖知夫子之赤心爲民必不忍見民之違土去鄉洋洋出  
矣也故敢以所見者呈諸左右祈哀愍之而補救之不勝  
大願

上方葆巖撫軍師書

澍抵瀋南書院五閱月矣肄業諸生習氣尚爲循謹惟讀  
庸腐時蔬不讀經書澍嚴立程限俾各讀經時勗之以經  
訓爲言歷代經師授受源流洎瀋魏唐宋諸儒說經異同  
之梗概學侶似皆樂聞而苦于無書輒爲浩歎澍行篋所

養素堂文集

卷十四

三

攜之書亦無多擇資性聰慧者付十三經注疏與之閱日  
來稍有頭緒矣郡中雨澤調勻穀價平減而民氣愁慘若  
有風鶴之警推詢其由則搜捕餘匪之委員爲之也臬司  
某駐瀋中瀋臺宜遴選賢員諭之以毋擾行旅庶可安民  
乃每日招優演劇置酒高會多派羣不逞之人入山搜捕  
見有橐囊者則脅之曰爾係王三槐黨爾係冉文儔黨張  
溼潮黨則攫其錢貨不與則拷掠之酷不能受委其行李  
而逃故黃泥鋪席台子南星馬道諸處幾無行人聞之者  
尚爲髮指况身罹其虐者耶不料以臬司大員放佚自恣  
任翼虎之擇人而食不顧行旅之被害如此其烈也澍念

我夫子受民如子惟恐或傷而若人敗之小民何知但怨大府之差委不得其人而不知若人之挾羣小以營私異日方以爲有勞績而邀茂賞也况今棧道中已無餘匪而委員肆虐其害較勝于盜賊良可吁矣澍憤懣已久故不揣樛昧爲夫子言之伏冀雷意審察

與董觀嶠方伯書

國家嚴私鑄之律者所以防奸民也今不聞奸民之盜磨取鎔而峩峩守牧行同駟僇顯犯王章之所不赦市廛之中充然堆積者無輪郭無陰陽一干之貫不滿五寸比于鷲眼纏環尤爲薄劣入水不沈隨手破裂斗米萬錢指貨

養素堂文集

卷十四

三

千錢小民日用難權子母藏之不可爲泉行之不可爲布甚非所以愛養商賈通惠商賈也昔高恭有言私鑄薄濫有司糾繩絀網非一以爲旣示之以深利又隨之以重刑尚非政體矧殺雜爲巧以期得贏而逞奸邪者卽官司也彼小民亦旣聞之矣而憲臺曾莫之問以爲不知乎則職居廉訪之謂何以爲知之乎知而不克發則人不疑錢之不通神不可得矣伏望憲臺登之白簡發其藏鏹以正厥

臬以儆官邪不勝至幸

時觀嶠先生以臬司署藩臺貴陽府崔某大鑄私錢

上阮雲臺制府師書

季夏之月楊令振綱買銅赴滇澍脩蕪箋上狃函丈適甄

節巡邊書投鈴商楊令役竣即返豫章未奉良誨深用菀  
結仲冬蔡吏目回敬誦鈞札善誘愾恨感賦竇涕竝頌賜  
擘經堂全集暨宋建寧鑾太守碑揭再拜祇受不翅百馮  
此碑塵霾千載金石諸家未曾著錄今乃按獲世所稀見  
澍憶樂史寰宇記南寧州刺史鑾深南寧縣西有碑南史  
驃騎大將韋雲陸涼州南有碑儻或按尋應成鼎匡又  
諭澍購買皇清經解以擴見聞澍于客歲向盧厚山同平  
句得全部披閱數回沾溉良多竊謂國初諸家首爾荆榛  
批竅導竅足可擘尋沿及近時遺其宏綱拾其瑣屑時有  
創獲勦襲爲多說文之學段氏爲優輕改原文頗傷剝斷

養素堂文集

卷十四

三

然許本流傳脫譌不少懋堂補正厥意良勤懷祖觀察精  
于訓詁確鑿細密伯申述而義多回穴考其所有似遜蘭  
皋疇人之學澍實未解在昔遨遊維揚曾蒙訓以布籌匆  
匆未暇依然禱昧五經算術雖亦瀏覽未能算罔負慚甄  
鸞慨自北學荒蕪匪朝夕賈馬經訓旣已闕響班傅文  
辭亦復息音輒不自量妄思吹灰而款啓咫爾無裨大義  
又未嘗不望南雲而頰首欲乞靈于我夫子也若我夫子  
之集囊括眾流包羅羣菽康成奧論子雍聖證不足矜也  
如謂周初之書不用蒼頡時古文言性本于中不同佛氏  
之寂滅論文以文選爲正而唐宋八家不居宗論書法以



北派爲正而爾帖不足學此其卓見高識未經人道真能發前賢之覆啓後儒之蒙矣但澍以愚管妄測是否有合仍希大誨以祛未寤無任至願

與郝蘭皋戶部書

一臆承示大箸山海經箋疏俾爲校正譌誤澍念此書校勘者自雲臺侍郎師而下共十七人皆碩學淹通自必精審無疵况以澍之陳椽馳逐未嘗旭歷于學其何能有一得之補乎日來披尋一似仍有罅漏尚待補苴者如南山經後翼之山多蝮虫郭注虫古虺字箋疏引說文云虫一名蝮虺以注鳴是虫虺非一字與郭義異按說文當作虫

養素堂文集

卷十四

三

一名蝮蛇下虺字係後人竄改者句餘之山郭注句章餘姚因此爲名見張氏地理志箋疏以爲張晏按太平寰宇記引張敖地理志當是張敖西山經崇吾之山有獸如禺而文臂豹虎箋疏言獸兼有虎豹之體故被是名按博物志所言本是虎僕毛可爲筆故辭人呼筆曰虎僕御覽引字有譌不足據也北山經決決之水中多人魚箋疏謂鮓字古省作兒兒从儿即古文人字上爾脫止存下人字按以此人字係兒字爾脫其上何下句嬰兒兒字不爾脫耶史記有人魚即今之孩兒魚也此不必改者中山經太山有草其葉如荻郭注荻亦蒿也音狄箋疏謂荻當爲荻狄

亦當爲秋字形之誤余正蕭菽郭注云卽蒿按菽字是不  
得作菽菽是梓木類余正蕭菽本宜作菽觀郭注皆云蒿  
可知作菽者是海外北經北方禹疆郭注字乎冥水神也  
箋疏謂乎冥禹疆聲相近乎冥卽禹京禹京卽禹疆按禹  
京禹疆乎冥均爲水神各自一人猶之重黎吳回祝融皆  
是火官不得合爲一人然謂禹京卽禹疆尚可以京與疆  
通如鯨魚作鱣魚也禹京爲禹貌之子禹貌爲黃帝子則  
梁簡文所云禹京爲黃帝孫者相合若乎冥則少昊子脩  
也焉得合爲一人海內東經贛水出聶都東山箋疏謂贛  
水一名豫章水郡縣俱因水得名按水經注豫章以木氏

養素堂文集

卷十四

蓋

郡蓋水亦因郡縣得名也大荒東經有羲和之國有女子  
名曰羲和箋疏言帝嚳次妃姬訾氏女曰常儀大荒西經  
又有帝俊妻常羲疑常儀與常羲爲一人按常羲當作常  
儀呂氏春秋羲和占日常儀占月顯係二人不得云常儀  
卽羲和也老童生祝融箋疏引大戴禮帝繫篇老童娶媧  
水之子謂之高緡氏產重黎及吳回按媧水之子驕福一  
作驕旣見世本又作嬌極見溱古今人表大荒北經深目  
民之國盼姓郭注云眼絕深黃帝時姓也按王會解有自  
深國自古文鼻字見說文是自深卽鼻深亦卽目深矣箋  
疏以黃帝子有滕荀姓疑旣姓或滕或荀此說非載民之

國亦盼姓又豈譌文乎又訂譌卷內崇吾之山有木員葉而白柎云經文柎當作拊此說非柎與附通萼臣也經文柎柎不錯黃帝是食是饗郭注所以得登龍于鼎湖而龍蛻也訂譌云龍蛻二字譌按宜作靈蛻御覽作靈化亦通積后之山有石門河水冒以西流郭注今在金城河門關訂譌云門字衍按門字不衍當在今字之上三危之山有獸名微狎訂譌云微當爲葵狎當爲狎按獸名有不從牙者如牴犛犀麕嬾嬾是也如狎作狎則微宜作微不必作葵也有鳥其名曰鴟郭注扶狩則短訂譌云當爲扶獸則死按狩與獸古字通車攻詩之搏狩漢人作搏獸有川在

養素堂文集

卷十四

庚

尾上郭注川竅也本不誤訂譌云川當爲州按川竅也即竅也竅穀道也尔疋之白州燕亦當作川余續黔書川字說最詳番條之山減水出焉郭注音減損之減訂譌云郭注音減則經文不當作減未審何字之譌按經文當爲咸字如溲咸宣之咸注亦音減也金星山其木多彫棠訂譌云彫疑當爲彫按草有彫胡木不當有彫棠乎必非形字實惟川之九都郭注九水所潛故曰九都訂譌云郭注潛字誤按潛宜作潛潛聚也又或作潛潛亦聚也故孟諸一字孟都嘉榮服之者不寔郭注音廷搏之廷訂譌云當爲艇脯之艇按郭音似引古語宜从之古廷字本有定音見

匡謬正俗女兒之山多厠麋麕郭注佷毛豹脚訂譌云  
佷當作獬豸當爲狗按佷宜作猥即猥狗也不當爲獬豸  
毛似猥脚似豹耳凡此數條雖于書之大體無關然閣下  
精心果力尚有此失則信乎箸述之難也澍所言儻有違  
盍仍希大雅教之

又與郝蘭皋戶部同平書

嚴風朔雪之時訪閣下于齊東會館入其門落葉滿階升  
其庭積塵盈几聞書聲琅琅可聽則閣下方詠諷古經也  
頃之閣下自內出被敝芣裘狀穀穀然弟乃深歎閣下之  
溺苦于學而不以貧爲病也然閣下雖嗜貧而弟則淚涔

養素堂文集

卷十四

七

涔心焉痛之旣而見圓照媿夫人方以尔足疑事詰難弟  
雖勉疆酬畲亦幾辭窮則又羨媿夫人之學經不勌也歸  
來慨慷不已捩膺自咎者久之頃聞錢恬齋方伯同季不  
日入都與衍石侍御商之當嚮恬齋言爲銷書百部稍可  
以爲日用之需又知閣下天素高亮不肯向人乞憐此弟  
與衍石之意與閣下之貞介無損亦可爲者恬齋爲政明  
敏操守廉潔曩來甚佩服閣下必有以應之願勿卻以副  
至朋之意爲禱承示荀子補注大致精確弟蠡管所及輒  
爲改正七條未審是否尚祈教之弟日來患腹泄受人勸  
戒飲未能從仍浮大白終日酣暢而河魚竟逃此神農子

儀以來未有之奇方也閣下聞之當爲嘔嚔

養素堂文集

卷十四

夫

始以來未有之奇方也閣下聞之當爲嘔嚔

養素堂文集卷十五

岑威張 澍介侯

書三 啓

與程鶴樵方伯書

自藩條蒞甘故鄉人來咸言閣下勤勞公事吏畏民懷弟  
爲合省士庶慶幸以手加額六月初旬載誦手書悵悵以  
地方利弊下問尤見不棄芻蕘之至意弟雖尙恣無知敢  
不竭其愚以爲芹獻竊以爲甘肅之所急莫大于興水利  
何也土地虜疇生產稀少一逢亢暘卽患艱食哀鴻滿野  
良可悲慨說者每謂甘省泉源甚渺河渠無多欲興水利

養素堂文集 卷十五

一

殆有難者此未語輿圖漫託響言自安窳惰阻撓成功者  
也試以蘭州府屬言之皋蘭則有黃河水筍蘆水柳林溝  
五泉水阿干河黃峪溝水龍尾山渠古峯山渠狄道有洮  
水楊家莊渠何鄭家渠田家嘴渠金縣有龕谷水買子墨  
泉西寧有湟水浩疊河神濟河河州有廣通河九眼泉漫  
灣渠雙成渠西川渠南川渠嘴頭塞渠靖遠有黃河祖厲  
河楊稍兒水陡城水打刺赤壘水西泉東泉紅柳泉萬馬  
泉瓦窰水渭源有通濟泉息家泉鞏昌府屬之隴西縣則  
有渭水頭渠二渠三渠永利渠安定縣則有西河得羅川  
通渭縣則有甜水河錦雞峽水龍尾溝雋川漳縣則有漳

河會寧則有壤泉米家峽河床岔河伏羌縣則有通濟渠  
陸田渠廣濟渠惠民渠寧遠縣則有紅峪舊水渠野南溝  
水渠新渠樂善河渠龍泉渠大佛峽舊渠際石川新渠屈  
家橋新渠木林峽渠蓼川鋪渠西和縣則有九龍泉官泉  
岷州則有西川水壘藏河三眼泉平涼府屬之平涼縣有  
涇河浚谷水咀谷水利民渠暖泉橫河崇信縣則有汭水  
渠新柳灘四峪水亭縣則有惠民渠荃邨水固原州則  
有甜水河南川涇州則有百泉溝六十四道溝渠靈臺縣  
則有蒲川水後溝河靜寧州則有興隴渠暖水河乾磴川  
漏泉隆德縣則有官泉小水泉慶陽府屬之安化縣則有

養素堂文集

卷十五

二

東河水合水縣則有琴池水環縣則有環江真寧縣則有  
真寧河寧州則有馬蓮河甘州府屬之張掖縣東有十四  
渠南有二十四渠西有二十三渠北有六渠又有千金渠  
紅沙渠仁壽渠老人渠義德渠無虞渠童子寺渠刪丹縣  
則有南草湖渠西草湖渠暖泉渠又有紅崖子童子寺大  
黃川等十三渠涼州府屬之荃威縣則有金塢寺河壩渠  
雜木口瀾壩渠大七渠永昌渠懷安渠黃芊川渠沙溝水  
雙塢五壩水永昌縣則有蹇占口渠水磨川渠暖泉渠牧  
芊川渠大河口渠五顆樹渠鎮番縣則有石芊河紅水河  
豬野灣占浪縣則有板槽壩泉暖泉壩泉大河上頭壩水

上高暖泉水大靖教塲壩水高崖泉平番縣則有莊浪河  
之十二渠大通河之四渠岔口二渠棗勝驛三渠河東二  
渠寧夏府屬之寧夏縣則有惠農渠河忠堡渠寧朔縣則  
有漢延渠唐來渠大清渠平羅縣則有清塞渠中衛縣則  
有美利渠貼渠北渠新北渠勝水渠順水渠常永渠后灰  
渠七星柳青渠羚羊夾渠通畸渠靈州則有秦渠漢渠光  
祿渠薄骨律渠七級渠特進渠昌潤渠西寧府屬之西寧  
縣則有伯顏川九渠車卜魯十渠那孩川五渠廣牧川四  
渠乞答眞渠哈刺只溝渠大河渠季彥才渠觀音堂溝渠  
紅崖子渠壞吃搶渠西番溝渠撒都兒渠屨伯縣則有河  
養素堂文集

卷十五

三

北十六渠河南十四渠山南堡八渠大通縣則有東峽川  
渠峽門堡渠秦州則有赤峪水藉河渭水屬縣秦安有東  
龍峽水湫科坪水可泉徽縣有泉河兩當縣有嘉陵江礮  
水紅崖河香泉應泉階州則有紫水北谷河西水河屬縣  
成縣有東川水文縣有西園渠雪夜渠碧雲渠復古渠清  
波渠三關渠甘棠渠流春渠瀑布水渠肅州則有黃羊場  
渠沙子壩渠免壩渠老君壩渠葡萄渠中渠討來河紅水  
壩豐樂川壩觀音山壩暖泉水壩鉢鉢和寺壩通濟九眼泉  
高臺縣有納凌渠豐稔渠姑家渠永豐渠堰冶渠河西壩  
渠千人壩渠定寧渠黑河分渠安西州則有蘇賴河屯田



渠回民渠餘丁渠四道溝二渠党河通裕渠永豐渠廣餘  
渠大有渠昌馬河四渠赤斤所四渠凡此皆顯著河流泉  
水或爲古管開濶又經後人疏通者或有官司主管亦有  
農戶經理者儻一一淺其壅濬其洫導其流修其防則赤  
鹵之地可爲膏壤矣閤下以民生爲念宜有以厚其生必  
先之謀其生庶不慮雨澤之愆期灌溉之無術也嘗見南  
方農人此山之水以筩通于他山低岸之水壘后激于高  
岸事在勉爲功可去獲閤下其財擇之督有司速行之邊  
裔之民從此果腹頌鮮于侁爲福星者必移之于閤下矣

與王伯申侍郎書

養素堂文集

卷十五

四

春杪枉奉手畢並大箸經訓述聞廣雅疏證二種數月來  
讀之知閤下學經擅義高踞賈服之堂函雅詰文上摩孫  
李之壘昕夕尋味熱服靡已某性款啓雖亦瀏覽經說及  
近時講說文諸家之書而簿書鞅掌卒卒無暇不得搏心  
揖志紬繹意蘊輒擲卷而起發視因之嘆也曩歲作姓氏  
五書內有姓氏辯誤二十六卷討論前人言姓氏之儻鑑  
者妄自謂精密而閤下經義述聞中頗言及姓氏往往與  
愚說不合竊又自疑其說之未必當恨無由面質之于大  
雅也茲畧舉數條言之冀得是正爲幸述聞云國語黃帝  
子十二姓有依當佗衣廣韻引姓苑有衣姓而依字不以

爲姓按山海經大荒國北毛民之國依姓是古有依姓也  
蓋衣爲殷姓之後齊人有之見鄭康成胤記注高誘呂氏  
春秋注依則黃帝之後各不相蒙豈得曰衣誤爲依乎唐  
書孝友傳梓潼有依政可證已廣韻于姓氏遺漏甚多不  
得以其不載遂謂無依姓也又左傳有從人費國語有從  
人回從人當卽府史胥從之從從人蓋以職役爲氏者迹  
聞言古無從人之職從人宜作寺人按廣韻姓簪皆以從  
人爲複姓故管子亦作從人費豈皆譌文乎漢書藝文志  
有孔子從人圖法三卷是從人古有之矣又左傳之棠君  
尙述聞云尙爲棠邑大夫則是縣尹君當作尹猶言箴尹

養素堂文集

卷十五

五

沈尹連尹耳按楚之箴尹沈尹連尹廐尹官廐尹馬監尹  
陵尹郊尹王尹工尹玉尹莠尹芊尹藍尹躑尹環列尹皆  
以所職爲官名今云爲棠大夫則宜稱棠尹沈諸梁亦葉  
縣大夫也則稱葉公何未有稱葉尹者君公者蓋當時尊  
顯之通稱耳又孔子弟子壤駟赤字子從家語英賢傳皆  
以壤駟爲複姓按左傳魯有郈工師駟赤則駟赤連文蓋  
用周穆王八駿之赤驥也名字詁亦以壤駟爲複姓失之  
又左傳之郈昭伯世本人表作厚檀弓郈又作后風俗通  
作郈蓋郈后厚古字皆通述聞以爲郈與后異且謂水經  
注誤郈昭伯爲叔孫昭伯按左傳季氏與郈氏鬥雞呂氏

春秋亦同則郈昭伯即叔孫昭伯明矣且世本鄭注檀弓高誘注呂覽韋昭注魯語咸以郈昭伯木后散子於出于孝公惠伯鞏之後詎得以郈后爲二姓乎又國語犬戎樹惇韋昭注言犬戎犬性散樸本是誤解述聞則云惇字當屬下讀犬戎樹者先國而後名猶云邾婁顏耳按樹惇者其姓名也通鑑注樹散城在曼頭山此周穆王時犬戎樹散居之因以名城周書涼州刺史史寧云樹散貨真二城吐谷渾之巢穴也水經注佗樹積魏書地形志佗殊積戎方之音異耳凡此數端雖子經義無關然實事求是則商下之說或有未諦當者敢獻其疑於望恕其直而教之以養素堂文集

卷十五

六

所未聞焉則牽甚

復鮑覺生侍郎書

月之朔日曹虛谷自京旋奉誦手書知閣下動定康豫適符頌私承商蜀中山水人物風俗於詢澗宰邑如何設施捧簡鵬然敢以意對蜀之山以嶓山爲最大夏負霜雪冬茂竹松崑侖之伯仲也以峨眉爲特秀峯巒窈窕煙雲吞吐黃山之匹儔也豹嶺在芊膊之西江出其腹玉壘當銅梁之北仙游其巔而蒙頂產嘉蔬雷波產錦鷓師嶺生仙茅邛崃生萇芝雲陽出兩頭鹿幡豕出五角羊其他未之登陟要皆高刺重霄險逾鼉阨者也江自渝氏徼外來至

嘉定而青衣江會之至叙州而馬湖江會之青衣之別則  
沫洩平羌也馬湖之別則若繩孫卑也邛河之魚頭戴鐵  
蓋鮮水之蛇尾著雙鉤合涪之水可淬劍流江則瀉錦江  
邛之波漬粉巴泉則釀酒青城流六時之水朱提滙千頃  
之池餘則未之沿河也大抵皆漂疾湍悍奔雷激電無淵  
渟畱稽之勢古之人物閤下熟知之今則未之聞見然惠  
敏者多而沈博殊少以言風俗則父子異部兄弟別居擲  
刀殺人十歲之童子能之而婦女亦然醕酒佯亂眇小之  
丈夫如此而疆壯尤甚澍抵任後首緝盜賊懲蠹役而犯  
無不獲次釐詞牒挈訟棍而情無不輸熟韋峭澗參而用

養素堂文集

卷十五

七

之不專尙耆健也時復頒布教令導以人倫諭以天理誘  
以惠言懇以威刑頗多嚮化者雖民情浮動而民氣直慤  
無佞張之習少兜蓐之風擾而馴之其感革自易易也若  
乃張儀之兔樓文翁之玠殿嚴遵之卜井諸葛之陳壘遺  
跡猶在而馬酒羊膾鹿殘魚脂亦曾嘗之至黃銀黑玉白  
芳青珠匪我思存莫之覲也約畧言之未能覩縷暇當疏  
記以塵清鑒

輿臧在東文學書

一昨承貽令祖玉林先生所著經義雜記三十卷日來讀  
之歎其學精鄧學培擊王肅即文字沿誤之處亦考核堅

膺真北海之功臣也某最款啓雖亦時繙古人經說而少  
入仕塗鴻網無暇不能究其訓詁矧能揮大義耶然其書  
亦似有引用僭鎔及監議未腐者如我將詩云我將我享  
維羊維牛而以爲本佗維牛維羊羊與享韻牛與右韻箋  
云我奉養我享祭之牛羊可證澍按此說大非周礼羊人  
曰積其羊牲設積柴祭天則供羊牲實柴也先柴而後獻  
故維羊文在維牛之上將者奉羊以供柴享者獻牛以供  
祀此典礼之序也烈女詩之自羊徂牛先言羊亦如此若  
鄭箋言牛羊者辭例如此不足據以定經文也盧子幹逸  
文條有云北堂書鈔引周植酈文周誅云自甗未成童箸

養素堂文集

卷十五

八

書十餘則按澧書酈炎字文勝此佗文周誤周植宜佗盧  
植也又鄭莊公寤生從史記難生之說亦未是且謂寤與  
悟字通僭寤生者謂悟逆而生交午於產門久不得下故  
姜氏驚也此殆未知南燕公孫夫人生慕容德之事故有  
此解又謂寤而生當喜何反驚是又不知前秦姜氏生苻  
洪之事也不衰城條從顏師古之說謂衰城以差次受功  
賤也按何邵公注若今以草衣城此詁最確蓋方城之時  
適值淫霖以草覆之可免崩禡仲幾不肯故責其無尊天  
子之心與齊語管仲言相地衰征之言本不相涉不得援  
以爲證如魏之劉馥爲揚州刺史孫權攻合肥城百餘日

時天連雨城欲崩於是以苫葺覆之是其事也左傳云孟懿子會城成周庚寅栽宋幾仲不受功乃執幾仲以歸據左氏說是方城公芊說是已城然古人工功字本通用不受功者言方城之時已去木而仲幾不肯隨照董工也其不肯董工奈何當時值雨照欲葺之仲幾不從故執之必以為差功賤未必古義如此又足下拜經堂日記以段干木為姓段以呂氏春秋有干木富於義之句遂以應劭風俗通之說為是殆不知古人之語例也古人複姓多連下一字稱之故孫叔敖為叔敖公牛哀為牛哀司馬遷為馬遷東方朔為方朔之類不可枚舉如段干木為單姓則段

養素堂文集

卷十五

九

干朋段干綸段干崇段干越人豈皆兄弟行乎况史記明云老子之子名宗宗為魏將封於段干高誘國策注段干姓綸名也三輔決錄云段干木之子隱如入關去干字為段氏則段干之為複姓審矣足下好學深思罔覽多商顧於此稍僻午諒未嘗畱意於姓氏之學也儻不謂然祈賜正為幸

上蔣礪堂制府師書

樹上言某自釋褐至今日受夫子栽培之恩厚矣受恩厚則期望深期望深則報稱難思欲以言為贈恐招佐卑言高之辜既重思之則有不敢言而不忍不言之者爰冒昧

言之吾夫子素以聰察自信者也而澍則病夫子之耳目不周何也蓋夫子寄耳目于他人而耳目反爲他人用耳古人有言曰兼聽則公偏聽則惑夫子似用其偏者也方其將至蜀也大小屬吏咸躬謁焉悃謂離婁之明必見秋豪郤雍之智能察眉睫胥矯情飾貌滅騎薄庖以自藻厲迫甄節甫蒞而奏章卽飛參劾若而人保薦若而人遠近駭汗目笑腹非皆竊議夫子之不明以爲所彈者豈無饜齎而恟恟無奪者居多所舉者豈無廉隅而簞簋不飾者大半卽如重慶守某忌前黷貨而曰廉幹有爲江津令某佞佛齋僧而曰勤能不懈品題失實大率類此某聞偶語亦爲赧顏夫不聽人言者其失也驕而輕聽人言又失之聞然能察言者必能知言知言則能知人如不知其人之爲賢而易其言後必卷舌不言而爲此墨墨也不知其人之不肖而信其言甚且挾私妄言以售其營營也某疇昔所期于夫子者濼則如文翁之厲學崇儒茫矣之循名責實唐則如韋皋之恩威並濟兼瓊之清介自持不使咎人專美于前而不料夫子之愎而矜也蓋不虛則不明不明則不公况乃徇情市恩以博寬大乎若某之宰邑殫精竭慮無蠹不剔有利皆興雖曰峭瀾實則甘雨可謂不得辜于百姓者矣而以飛語卽爲煢聽朱異見枉何況他人伏

聞事師之道無犯無隱自管賢哲必納讜言輒效忠盡以爲箴規尙希霽威俯采芻議恕其狂直無任屏營

上蔣礪堂師書

四月十六日有前任大足趙令過陝曾修蕪賤藉贖函丈虔請鈞安諒荷藹鑒比惟老夫子大人養和育物體履床嘉爲頌啓者某同年張友蘇比部于四月內偶患腹結醫者誤以峻利之劑下之旋泄不止又以大熱之劑補之遂患便血復雜投諸藥而腹大如瓠飲食不進延至六月初七日溢逝竊念友蘇端亮愨誠靜安簡素某僑庸以來時相過從其處已接人咸有繩檢而夷曠之懷尤不可及視

養素堂文集

卷十五

十一

功名如土苴遠小人如蝮虺誠今日三輔之儀表也不料身沒之後食無宿舂衣無副襲幾無以爲斂又將何以爲葬由其平管口不言貧而處之泰然故人莫得而窺其匱乏也其弟述鄙以孝廉大挑縣令會一兩津卽抽旣返里舌耕給日兄弟之商閭閻怡怡某慨爾中風氣猥躑不但不講學問而亦不尙氣節若友蘇伯仲眞矯然者矣仰惟老夫子扶植善類是其夙懷而于友蘇疇管矜許今怛化異物諒必惻然盡傷某旣痛其人之云亾而又憫其不克以葬也敢攄下忱希夫子之覆露焉外寄潼川黃守重慶花守二信伏懇發付茲望囑其賻助以襄窀穸不勝大願



與段懋堂大令書

懋堂先生閣下某于奔衾衣食應酬棟樑時獲親架範頻年積燠藉以稍舒爲之慰甚猥荷不鄙夔夔謏獎許過情則又慚甚一昨晤章子卿述先生之言曰他人考據之文高者爲注疏其次則語錄介侯之作辯論精腐所不待言熊熊其光魄魄其氣置之閭室不燭而明時罕倆者某聞之抑又疑甚竊念先生鑽摩說文作爲箋注既精且博實爲浚長功臣而韻經樓集學宗賈鄭筆邁任温久爲某所懋服茲乃擊節于鄙文殆學黃公而過者也曰者同謁姚姬傳前輩歸唐瑟居宋莫獨游靈谷寺箴賞瞻誌公容吾鄉

養素堂文集

卷十五

七

人也出飲功德水頓滌塵檢憩盤石上有鹿子二倚徙中林見人不驚因噬人生勞勞攘攘不如鹿之野性自適也然此尙隣城市若深山邃谷茂林豐草鹿之生其中者餐神芝飲清泉戴璫角享麋壽其樂更襄萃也今先生蟬脫簪黻唾棄腥羶亮節高風良足嘉尙而又鴻苞經訓釐定聲音頤情止壑眷戀友朋異日必有白鹿依辛繕之講堂也某椽雙已挂不再話別輒爲此書貢諸左右仍冀良誨以開區霧俟解把筆請益負墻

與章子卿大令書

判襜已久思如旦飢山川閒之心焉欲翼忽聞剝啄報有

書來詢知手畢鳴喜無量發函申紙葉拱靡寧承貺如不  
及齋文集則斐然之作也仁兄溺苦儒先芥視軒輓優游  
家街擘摩學術好深湛之思發炳蔚之文擷經籍之腴掃  
秕糠之腐居然作者何必古人而弟猶羈絆塵鞅局促輾  
駒元謨尙頭終年不伸東坡肚內時宜不合世共訾爲駱  
駝天將勞其筋骨足下踰十萬里胸中貯三斗塵良自憫  
矣回憶丙寅之歲與吾兄乘画舫汎西湖置飲食之甘香  
招妓女之妖妙擊楫而歌擘箋而詠時見綠雲拖樹白月  
印潭山色落裾花香入鼻魚躍浪以灑濤鳥依人而睨皖  
登小孤而放鶴亭在已無林逋之簪陟葛嶺而鬥蟋堂空

養素堂文集

卷十五

三

早埋瑩中之跡奠鄂王之墓恨未痛飲于黃龍徒挺南枝  
之樹拜少保之祠憎未深防夫黑夜徒瀰屏風之血當崑  
時也豪情激越壯思峻嶒削髮賓王不續江湖之句袒毛  
相里兀坐桂子之堂則此游誠僅矣今則往事如夢舊蹤  
已塵短髮縣蒜眇目擘椒膏則鞮屨必須扶老之藤足乃  
偏跳難箸上山之展偶值別風淮雨閉戶而臥似僵蠶若  
箇鉢響鐘聲枯豪而思不繡虎其何能爲再游之約乎所  
願與足下勿學桺津以追伯業老作書蠶化脈望則成仙  
勤剔琴蟲聽鞠通以嫉意爲問麟鼓當丞康成之車弗希  
鱸魚何爾伯起之舍南北路阻鴻羽罕逢會稽竹箭裒裒

常縈時祝予州尙其孟晉

與錢衍后郎中書

前所假戴東原先生毛鄭詩考正內作詩時世表闕之多有僻錯如鄭風出其東門野有蔓草溱洧孔穎達謂厲公時詩厲公復佐在釐王之世而戴氏表繫在惠王之世此不確也又唐風蟋蟀序言刺僖公僖公即釐侯鄭康成謂當共和之時而戴氏表繫在宣王世此不確也又陳風宛丘序言刺幽公東門之粉序言幽公淫亂鄭康成謂幽公當厲王時而戴氏表繫在共和世此不確也又曹風候人序言刺其公鳴鳩孔穎達謂其公時詩下泉序言曹人疾

養素堂文集

卷十五

古

共公公當襄王頃王之世戴氏表專繫之頃王世此不確也又正大雅文王大明孔穎達謂成王時作戴氏表繫在文王時又緜思齊皇矣三篇皆言文王之謚咸文王後作當亦在成王時而戴氏表亦繫之文王此不確也如下韋文王有聲孔穎達亦謂成王時作而戴氏表亦繫之韋王此不確也又魯頌鄭康成謚謂僖公薨國人美其功季孫行父請命于周而作其頌箋疏以爲作于文公之世而戴氏表繫之僖公時亦復不確某因原本小序暨鄭康成孔穎達說別爲考定似較東原說爲有據恐仍有誤謬望  
屈下更正之

與尹保臣大令書

憶自六年之春章門相見論心奉手送抱推禔得窺班嗣  
之架肯借赤彪之藏遂讀未見之書益結忘言之契不鄙  
款啓如遇靈氛方圖就幼季爲予夜之談詣公度索地榆  
而食而親翁榮名屣脫逸氣霞翔辭白社而指青門由黃  
河而滌黑水龍城之泉石如故鹿塞之松筠未荒招二奇  
廟三徑聽親戚之情話傾蓋班荆課子弟以古經絕編折  
鈿甚樂事也遙知吟詩之暇種樹栽花游山之餘按圖釋  
地續然明之八萬字注爾駟之十三州不令敲煌彥明獨  
爲文學祭酒酒泉部瑀其許儒林丈人斷可知矣如某者

養素堂文集

卷十五

五

戒昧三瓦竅無九毛見爆槩而猶疑望撐犁而不識認蝦  
蟆作馬誤蹲鴟爲芋珠去積存蛇成酒失面墻貽笑坐井  
招讓徒以少勤鉛黹壯覽縹緗伊吾子石之田抄寫楚相  
之掌不過拾崑圃之碎壁擢鄧林之枯枝望老子而舌撻  
見大巫而氣懾不知繁露何浥江都之玉杯未見聲風那  
頌厭次之寶囊况以从鞿塵網實錮性靈夢謝江臺心櫻  
墨綬敲朴犯慮牒訴裝懷病夏畦之舊肩戴冬烘之頭腦  
致令康成禮堂典籍腐做仲蔚小徑蓬蒿叢茸折獄未嘗  
干鞭絲除藪莫停其桴鼓六雄未甞百里何堪名寂寂而  
不揚老冉冉其將至每一念此未嘗不擲鐻而悲擊壺而

起也茲者投簪欲返作賸思歸竝無元亮之田詎有思曼  
之宅爾耕舌在須煖泉温得以勤追曩失步趨前修倚子  
雲之子亭描摸奇字親馬融之絳帳推步厯元甚所願也  
而以扈載命薄散通官顛莫潤脂膏徒戀棧豆望白雲而  
親舍遠障蒼波而津梁迷所由搔髮顛領拊髀躑躅與伏  
念親翁囊括九流包羅六統龍德而學鳳苞有文倘照以  
景星佩之迷穀郵爾考異契證參同庶幾陵見泰山睥爾  
龔響七聖得馬五總逢龜高子啓乃心蓬滑叔挾其肘柳  
矣無如精消燭老游倦馬卿善忘隣于師丹多愁不減平  
子何能追伯業之篤好循朱穆之專精乎兼以爾詩非鯉

養素堂文集

卷十五

六

養豚犬于景升辯孳遜烏鬱蟬媯于耆老黃初古鼎誰推  
二月之銘春秋郵人莫釋百藥之稻青氈家莫白髮蕭騷  
弓冶何傳矇矓不舞雖欲爲虞翻之譽竊恐與李嶠爲徒  
又何能與親翁商推舊學抽繹新爾發天地之房射古今  
之覆祀瑄朗而生智慧對浴如而投筆花哉嗟夫性不善  
獵情尤多崖天倚杵于何年地斷鼈于幾日嗟聖賢兮灰  
滅笑奸佞兮煙銷得不對酒當歌摩挲老驥拔劍擊柱痛  
哭斯文也乎靈淵渺渺摺次迢迢欲采仙椒時思鳥翅夢  
中路阻江上波高猶挽易于之舟莫洗蒯螯之視言之唱  
歎良以疚懷伏願眠食自珍富名山之著述他年奉讀侍

杖履以周旋千載心期三番紙盡西望驪首苑結何如

與楊左之明府書

奉讀手書承注殷拳感荷良深又蒙貽爨使君碑此碑古今金石家皆未箸錄惟寰宇記言之而未有搨印者今乃得之實可竊貴然樂氏寰宇記又云晉爨深興古郡人仕爲本郡太守今南寧縣南十餘里有興古太守爨府君碑南史爨雲建寧郡人仕魏累官驃騎大將軍開府儀同三司南寧州刺史封同樂郡侯有碑在陸涼州南三十里此二碑今竟埋沒尤可惜也南詔野史曩未見此書今承惠賜偶一繙閱知其大謬直未讀書者所爲如南詔名宦條

養素堂文集

卷十五

七

內載王追永和守核漢書南蠻傳作王追實字誤也東觀漢記作王阜字世公成都人章帝時由重泉令爲益州太守治化尤異神馬四匹出滇池河中亦見謝承後漢書阜在肅宗元和中竟訛作永和且漢人也而引在李毅王遜之後蜀漢呂凱訛爲呂凱隨史萬歲以上開府爲行軍總管伐南夸者而亦以爲建寧守失之遠矣又南詔歷代名賢條內有云許叔重漢明帝時明五經爲本郡教授尤爲馳謬此尹珍事也寧陽國志云母斂尹珍字道真自以生于遐裔未踐庠序乃從汝南許慎受五經師應奉學圖緯通三才還鄉教授南城由是知學孝桓時尹氏以經術

選用歷尚書丞郎荊州刺史此乃截去上下以尹珍事爲  
叔重又以爲本郡教授漢時豈有教授官職乎教授名官  
自宋慶厯中始然有漕司所辟舉或以兼官或以士人而  
猶未隸朝廷也其命于朝廷又自熙寧中始此乃大是瘳  
語名賢條又有云平彝陳寶夜郎尹貢明正德時人歷官  
尚書按國志云平彝傳寶夜郎尹貢亦有明德歷尚書郎  
長安令巴郡太守彭城相今又以傳寶爲陳寶以明德爲  
明正德時人以尚書郎爲官尚書卽一二葉之內儼盤已  
如此其作亦不必觀矣通博如足下亦必笑其誕矣也倪  
君輅空疏如此而升莽詎肯爲之校閱耶諒是假託足下  
養素堂文集 卷十五

六

以爲何如

代余觀察上程撫軍書

五月初七日奉接鈞札深以維風訓俗育良芟蠹爲懷仰  
見憲臺勤求吏治加意民瘼必將正德厚生任賢去邪是  
古人詢于芻蕘不棄葑菲之盛心也誠悅誠服某雖服官  
有年經術飾治有漸溥儒而念切痼瘵飢渴在抱日稷不  
夏未負初心重以垂罔一得之愚敢忘自效竊以爲利不  
因地事不因時雖侈談興革廣列科條究于民生無補今  
之民好訟極矣而徐州爲尤俗人言其輕果剽悍易于軌  
法自性然也如必欲其焚牒折簡雀鼠不爭肺石無用則

誠有所不能然息訟之端則莫先嚴拏訟師不獨地方講  
觚偵到是非亦有外來游臬變亂白黑愚民誤陷迷阱家  
產破敗親戚離絕職此之由皆趙廣濬設詭筭以察姦者  
可師也又徐州物產不饒蓋藏殊少往往攘致以謀口食  
悉誅之則竊無死法少縱之則民無生機謂宜廣設偵探  
張示威刑厚賞線索重罰窩匿則宵小無所托足良善自  
可安枕管虞升卿密縫衣領以緝盜者可行也又徐州地  
多沙鹵土不沃膏兼以隄岸隔絕水利難行然掘溝通洫  
引致水泉旱資浸灌澇備宣泄則石田不毛漸成膏壤管  
何做修銅陽洫以溉田者可法也又徐州民性獷魯罔知

養素堂文集

卷十五

九

禮義型仁講讓視爲上苴舊有義學皆爲具文謂宜廣設  
精廬招集生徒勤儉訓導化其整氣柔其暴情久之擾馴  
鬥很自戢管玉稚子興去塾序以牖民者可效也凡此息  
訟除盜疏水興學咸係切要之務是在良有司之實力奉  
行耳誠使爲民牧者盡其所鞠之心兼用鈎距之術勤拏  
訟棍嚴辦痛懲則若輩之伎倆自窮則盈庭之桁楊可省  
書曰察辭于差惟府辜功言折獄也管國僑誅一鄧析而  
訟息有明驗矣又復徧喻耆老督率里甲去望樓以瞭之  
設刁斗以警之嚴禁壘役姦賊自肥緝拿不力責其倍償  
盜無所利揖之不來書曰愛其儲胥及其屋烏言安堵也



管士會誅一課者而盜逃有明驗矣于是脈地之防講水之庸尋其故跡濬之疏之富厚之家勸其自修力有不支官爲開通無妨田廬不糜財貨書曰瘡映滄暨川蒸民乃糧言足食也管樊陵通一惠渠而民富有明驗矣因之誘以詩書習以揖讓父詔其子兄勉其弟將見濟濟莘莘融洩洩商粵之風可儕鄒魯書曰章善癉惡樹之風聲言崇教也管文翁廣厲學官而子弟率有明驗矣如此而有司之賢否可分矣方今某縣某固職道素知其賢者也如某縣某又親見其賢者也或居心純正或讞獄平允事無巨細咸能力肩矧以廉明諒在洞鑒固無俟職道之詡揚

養素堂文集

卷十五

三

矣其有不能撫字辜負職守者再當別白以聞

代某大守上江蘇程撫劄書

五月之某日奉接鈞札勤勤暇暇延訪治理足徵大人條貫嘉謨邳張大矩上紆

宵旰下蘇痼瘵之至意又飭卑府等將所轄地方利弊屬吏賢否覩縷密陳尤以見大人厚生利用任賢使能不棄芻蕘采及葑菲之盛心披讀再三曷勝熱服某伏思民風之美惡視吏治之繩駁屬員之賢否視上司之激揚行之必以漸而無庸操切也徐州之部舊史言其地薄民貧無林澤饒而勇悍輕果任俠尙氣易于亂法故訟牒猥繁號

稱難治今欲息其鬪爭平其獷魯是在有以服其心耳夫  
虎豹至猛也有梁鸞之擾馴則可制其喜怒鷹隼至鷙也  
有沐嗽之調習則可止其飛颺竊以爲民雖勁剽而有司  
于一切案件果能卻莫夜之金剪虎吏之翼虛衷研鞫俾  
是非曲直較若黑白時復以夔倫大義愷切宣揚乖盞之  
氣固已斂戢矣因之嚴治訟師痛懲暴客示以刑章萬不  
可犯凜然三尺惕于五夜彼蚩蚩者豈甘以身試法哉至  
于綰銅之吏才地不同剛者嫌于嚴酷柔者病于鬪鬪惟  
因其性質而董督之放濯之自能字良剔蝨濟事偁功其  
平庸者見賢良之被遷擢也亦必爭自藻厲奮發有爲倘

養素堂文集

卷十五

三

安于不肖則白簡從事亦斷無有祇徇妻子不念君國者  
也然欲民措其手足得以安枕必先寬吏之轡銜俾無掣  
肘也倘操之太蹙束如溼薪望其展布亦必不能况茹苦  
蘖者自能植甘棠飲貪泉者自然隨濁流區而別之其較  
然矣若乃課農桑興水利實商閭切要之務身爲民牧豈  
可不竭慮殫精急圖生計然必須量地運籌相時劃畫因  
其所利而利不可有始無終轉以厲民何由率作古人云  
利不百不興害不百不除諒哉是言可謂知體卑府又思  
人才者任事之斧柯也風俗者牖民之堦筵也鉏荆剗棘  
則鳳麟來游讓畔遜漁則頑梗向化爲之者以實不以文

斯效之者如景之隨乎響卑府自當仰體憲臺勤郵民隱  
整飾吏治之懷時時督率所屬察其疾苦而藥之謀其安  
全而鞠之何敢痛癢不關肥瘠罔顧以辜憲意之諄諄耶  
若羅列不急之條虛陳得已之款塗飾耳目熒惑視聽則  
塗飯塵羹何裨飢渴蘆衣芟製莫禦雪霜非惟卑府之所  
羞稱抑以大人之所吐棄也肅此上聞以紓憲厯容當續  
布以副拳拳

與潘石生考功書

前委校讐李仙洲先生詩有瞻諦二字弟改爲瞻諦商下  
以爲瞻諦字出佛經然弟意作瞻諦字爲是也考魏志裴

養素堂文集

卷十五

五

潛傳注黃初中韓宣爲尙書郎嘗以職事當受罰于殿前  
已縛束杖未行文帝輦過問此爲誰左右對曰尙書郎勃  
海韓宣也帝追念前臨淄侯所說乃寤曰崑子建所道韓  
宣耶特原之遂解其縛時天大寒宣前以當受杖豫脫袴  
纏襴面縛及其原襴胛不下乃趨而去帝曰送之笑曰此  
家有瞻諦之士也後出爲清河東郡太守明帝時爲尙書  
大鴻臚此瞻諦二字之所出也又趙至自序曰嵇康謂至  
曰卿頭小銳瞳子白黑分明視瞻停諦有白起風蓋言瞻  
視之精審也則不宜作瞻諦字矣謹復

謝芥航河帥正定文集書

芥航河帥三兄大人商下澍非能文者也予榜之腹詎有  
白鳳蟠胷蚓竅之聲何由蚪鐘佯響難厠佗者竊自知之  
憶筮齡年挾筴競号神童鵠歲登科闕傳國士少殊了了  
長乃庸庸洎爲庶常詩學試帖賤幕館體竟至奔牛失轡  
驛馬脫轡不中格律同輩笑之惟朱后君師歎其氣息淵  
茂亦未許其工也改官于外佗吏衝塗抗塵忝俗不暇爲  
文偶爾登臨模山範水不過撫拾奇字輸寫險哀長卿之  
飄飄陵雲延篤之軒軒見日未之或攀也厥後汜游南北  
交接英賢袁然之集時有贈貽咸繡罄悅各鬪藻萼笑黠  
言鯖甘于五侯之簞辭條句葉蔚若夸父之林然魏收于

養素堂文集

卷十五

三

溫昇巧偷沈約向任昉佗賊部象變向秀之睂目法盛假  
嵇紹之衣冠機杼非已澍竊病焉又或卉犬篠驂學彥伯  
之澀體牛神蛇鬼仿昌谷之怪辭甚或拾梵夾之偈唄矜  
爲玉笈琅函襲語錄之陳言托于布帛黍粟凡若此者澍  
亦吐棄見時人說經講瀆學心亦好之問章句于蔣甸訪  
典謨于女子尋帛妙之淵源徵后蒼之亢鋸聽服虔車上  
之說圃公沙曰旁之設又不能卒業故經訓亦疏偏戴賦  
恰從逐康成之後車未夢繡囊難入馬融之絳帳歲月侵  
尋忽已衰邁大功大德彌無復望瓜面蒜髮何堪畫入麒麟  
蹇義踈仁未必享之俎豆良自慨矣彼夸吾老吃尙佗

輕重之書虞卿窮愁亦抽春秋之旨似乎瑟居寂莫可以  
箸述遣懷而七畧未窺九流莫究奚以裁量臧否證響古  
今或者題伯喈八字解俟後人篡馮定一碑遠傳異域足  
以自豪也乎而左言一端正未易易孟堅體骨精密鸞龍  
虎之大文蔚宗筆勢放縱極宇宙之奇佗從事于斯敢告  
不敏不得已按輯舊佗都爲一集猶之摩扈農夫不棄殘  
鋪具籩織婦仍藏敝縷豈真謂号寒之蟲必有靈脂摧朽  
之松定生飛節耶因念曩哲文章多不自信就正有道始  
愜寸心本論既成遙投稽公之戶文心方就俯隨隱爰之  
輪此澍所以勤勤懇懇求教于左右者也意謂伯尙掄材

養素堂文集

卷十五

五

必擯樗櫟王爾選玉應置陸昶詎料太丘道廣弘獎過寬  
指敗鼓蒙伊耆之手愛破錢出呂望之爐何異緹燕石爲  
龍玉寵雞羽以鳳毛令人惶汗末之已已夫曷鼻椎顙陳  
國之極醜也而比之城北徐公牛浚馬勃蜀市之至臭也  
而况以海東蘇合心非不憚氣當自軒而窺其鏡且自憎  
矣啓其匱且自歐矣罔下于諸賤最爲褒嘉餘文尤多假  
借寒山片石見許爾府高彪一箴遇賞中郎此殆策厲之  
盛意未爲公允之定評管杜膳部高自佐置謂久歷公等  
未見替人王中書矣自尊大言天下無我當歸阿士澍自  
忖才謂學識遠遜若人故默而息耳罔下虛懷善誘不肯

索瘢而糾摛之處洞中瘳結是眞俞柎聖醫藥浸膚腠存  
則寶鑑光燭精魔誠惑慚載訢載悚彼狼臙之帚夜中  
黥金而別良惡詹何之牛門外聞鳴而知頸蹠閣下精鑿  
殆如是爾所恨才因窮盡心以勞腐不得學尋經術甄綜  
菑文洗夢裏之肝腸縣天中之日月俾君苗焚覘元常閭  
豪空賸季直之塵羹僅餘丘遲之錦段瀉瓶水其即竭峽  
流靡源乞乾象以無靈金龜安在技止此耳後何能進惟  
知我者尙其愍之

啓

草堂修禊日爲少陵先生壽徵諸同人詩啓

養素堂文集

卷十五

五

天上京兆李矩風馬而來地下蘭編子休軒眉而笑精英  
不沐賢喆爲昭然仲寧造醪酒人西日以致醜俟罔製字  
墨客丙月以明禋要皆盡怛化於靈修歎摧殘於逝者未  
有邀小弁之怨子鐘鼓我辰觀哀郢之放臣舞歌初度况  
乎中原虎鬪益部蛇驚凍雀依人痛西山之寇盜拜鵠念  
至戀北極之朝廷吾知冢寔殘生傷干戈之滿眼飛騰莫  
景顧霜雪之盈頭破帽疲驢荒山奔忝殘杯冷炙到處酸  
辛妻待助於飛蟬紙畫墓局兒嗁飢於贖椽背炙晴軒牢  
落百年愁生江景歌哭萬古書斲雲鴻側身天地螻蛄春  
秋回首風塵泥塗甲子則今日之薦觥竝頌旗幟誠爲多

事哉不知欒公社太烹隻雜者如雲介綏山焚禁寒食者  
累月饜然温於水上波泛桃花追仲御於航頭歌殘絳樹  
弭忘不敢結想益深此四海無家百年僅飽粗糲而三月  
修禊諸君藉祝桑弧與夫天寶末年時已虹潰嚴耆節度  
人非馴良儻不免於簾鉤何久狎夫鷗鳥卒乃未陽謝世  
偃師安窰萬丈畱其文章五金棄其魚米大雅不作擬掘  
孤墳麻鞋何存僅官工部吁可悲已彼尸佼老巴蜀垺匄  
久迷接輿隱我肩清淚誰灑而文貞之謚翁孺能知乾坤  
之閒草堂不改非寓公之徵倖實野老之軼超乎可知衣  
短鑕長雖多惆悵人老律細咸服波瀾三百青銅詩以史  
養素堂文集

卷十五

美

箸數莖白髮名因窮高岬蟬羣兒瓦石餘子其不虛矣黃  
牛白酒千秋旅客之魂青竹碧沙萬里錦江之宅椒漿肅  
奠笠影猶存各獻藻粦竊坳規鈇利斧斲擊無令宗巷笑  
人巨刃摩天庶幾昌黎知我

按元微之誌子美墓享年五十九舊唐書少陵丞泰  
年卒即大厯之元年是歲丙午當生于景龍二年戊  
申唐詩紀事謂先天元年癸丑生大厯五年辛亥卒

與王鶴汀給諫啓

大佺傳來瓊林玉氣小詩和去蚶竅蠅聲猥荷齒芬益增  
顏甲在管送人叔夜緣情旖旎別江淹發響慷慨某之

篇什判乃雲泥質而不文啞則無韻同堯夫之擊壤似胡  
姿之皎釘爾下許之以真或刺心而有血獎以爲勇實禿  
穎之無鋒或者蠅鳴鼓吹作德璋之閒情燕石藏緹巾  
供胡盧之大笑乎深以爲媿尙須直言嫋嫋秋風悵銷魂  
於此日娟娟明月知把袂以何年容俟握麴再傾別緒

謝鮑覺生宮詹送酒啓

屠蘇飲後已到早春離騷讀時僂稱名士忽爾瓶罄因之  
耻聾乍說經來欣然束帶知我者鮑叔囊旣分金任人呼  
張顛頭還濡墨不須魚換白也能浮底怕狗狂紅堪比友  
久如三年之艾宿疾都除落值九月之桑索郎相見敢誇  
養素堂文集卷十五

三

蒲桃于鄉味聊藉杜康以忘憂呼姚馥爲渴羌酒泉佯郡  
問任昉之榕字千里爲程論交旣已飲醇拜惠自宜霑醉  
謹以爲謝敢云無量

倉蔡小霞廷衡方伯啓

月之望日縣役賚到手書延某爲蘭山主講者拜命寵嘉  
拊懷竦息竊某性忘三篋知謝五總學無宋儒之理譚經  
少遠氏之家法易疑鑿度未吞六爻書味方明雖窮七始  
詩材分羣雅旣惑爾天之章春秋按寶書復遺鐸椒之傳  
卽西狐東馬曾費槩鉛而三豕四羊徒摹波磔况神怯荀  
鶴瘳虛董蛟文藏子駿之醬甌踈入士衡之酒甕秘乏二



西無以厲三餘鑑遜九方何以別千里固宜暗螢自照藪  
草獨馨雖或彊言誰踞有觚之竈倘來善問難倉離畢之  
星伏惟老前輩大人鴻渚振儀龍門標峻功業則崑崙銅  
柱文章亦瀛海玉波爲

熙朝植棧樸之材俾末學參臬比之席顧玉堂於天上誓  
映瑤星分墨綬於黔中久疏鐵鏹檀敷即多箬錄沙穆未  
足發明所牽中矩中規宗匠示之模範而學山學海賤子  
奉以步趨白鹿教條粵聞在管青衿叟逢不佞于今庶幾  
仰酬圭璧之心少輔薪櫨之化先德行而後文菽士也勉  
旃服聖涯而躋道真我則無乃抗顏北面愚昌黎之豁齒  
養素堂文集卷十五  
童頭執漆西行夢尼父之鑄回雕宰敢布微悛敬謝隆施  
恭請崇安萬希霽鑒

倉積觀察郎阿啓

月之朔日縣役賣到手翰延某爲蘭山主講者拜命餘憚  
有顏顛覩竊某衡茅葺品社櫟陋姿學謝聚沙而殊攻木  
過庭鯉對業徒守夫青箱游學鴻都塵未離于紫陌雖木  
天翔步窺蘭卉之圖書而瓊坐飛譚昧藻兼之樂曲重呂  
牽綵筑國乞食江鄉逢時巧謝于齊豨自獻質儕于遼豕  
因窮才匱寸錦褫懷以病情慵靈珠去握有始有卒奚以  
別草木之區不范不模未能佞埴埴之準伏惟芝三先生

屏揚風雅提獎英奇念關隴爲

本朝之巖疆思書院乃多士之精舍融襟蟻術俾諸生共  
茂淬修筵跡龍門令賤子亦參講席慨九師之傳受誤辯  
茲滋滌五際之源流樞誦汎厯勤分牡墨宦柳穀于仲翔  
慎下雌黃詆文章于季緒矧如某者爲役何能所當恪遵  
調德仰體穆情戒青衿叟達之風鄙絳帳聲音之嗜君子  
貴玉敢忘夔后之磨礪士行爲銅竊比歐爐之鎔冶或者  
筍羅曲水漪漾沮波唐述仙巖書畱壺字可知作人之雅  
化益見庶士之傾風肅此布懷無任懷慙伏冀大誨竝俟  
崇安

養素堂文集

卷十五

无

謝周玉成太學惠蓮花白啓

予都綺蔥仙疏難致駱越鮮箇遠物奚求忽到筠籃琴登  
玉藪綠沈瀉色恍是雲靈歸落呈形又殊錦帶層層曲抱  
蕉愧難剝之心顆顆圓勻葵慚可衛之足爲問諸葛何種  
蔓菁堪笑元修獨嗜巢菜寒陵霜雪嬾參玉版之師香沁  
肝脾乍見欠荷之質草鍾乳不足儔美后菖蒲焉能喻佳  
或者番禺合歡象其聶聶卽令餘裕嘉樹遜此青青斯味  
我知肯學樊遲之圃有根誰蔽宜添閔仲之盤周紉非傭  
寧知賣者張頤有腹可慰饑焉未敢隨丁密而堅辭還欲  
向巖穴而求益

